

正法華經



百三十一  
在六

48087



元祿九年丙子二月日重脩

皇圖鞏固 帝階綴呂

佛日增輝 懋輪常轉

山城州天安寺法金剛院置





正法華經卷第六

西晉三藏竺法護譯

在

正法華經藥王如來品第十

佛告諸比丘道法一等無有二乘謂無上正  
真道往古來今無有兩正猶如衆流四瀆歸  
海合為一味如日所照靡不周遍未曾增減

若族姓子欲至正覺解無三塗去來今者當  
學受持正法華經分別空慧無六度想不以  
華香伎樂供養為供養也當了三脫至三達  
智無極之慧乃為供養所以者何乃昔久遠  
劫難稱限今時有佛号藥王如來至真等正  
覺明行成為善逝世間解無上士道法御天



人師爲佛衆祐世界名大淨劫曰淨除藥王  
如來壽二十中劫諸聲聞衆三十六億菩薩  
大士有千二億時轉輪王名曰寶蓋典主四  
域王有千子端政勇猛有七寶聖臣降伏怨  
敵其王供養藥王如來具足五中劫與眷屬  
俱一切施安奉敬藥王過五劫已告其千子  
吾已供侍如來若等亦當順遵前緒於時千  
子聞父王教復以五劫供養藥王如來進以  
上妙不違所安彼一太子名曰善蓋閑居獨  
處靜然思念我等今者供養如來寧有殊特  
超彼者乎承佛威神虛空有天而語之曰今  
族姓子豈欲知耶有法供養最尊無極又問



曰何謂法之供養天曰尔當往問藥王如來  
普當為若分別說之善盖即起詣藥王如來  
所稽首于地白藥王如來曰法之供養奉順  
典者為何謂乎世尊告曰法之供養者順若  
如來所說經典深妙優奧開化一切世間人  
民難受難見出家捨利志求菩薩諸篋之藏

曠邈處中以揔持印而印之精進力行不退  
轉輪現於六度無極之慧慇懃勤攬攝佛之道  
品不起法忍關入正典於諸群生設大慈哀  
降伏魔兵離諸法見覺了演暢十二因緣無  
我無人非壽非命志空無願無想之法不由  
衆行處于道場而轉法輪勸諸天龍捷沓和

等莫不樂仰開闡法藏護諸賢聖宣揚顯布  
諸菩薩行究竟衆苦無我非身群生違禁立  
以所便衆魔異道墮顛倒見貪猗有爲常懷  
怖懼而爲咨嗟諸佛之德使滅生死慰除所  
患而見安隱無爲之事去來今佛所歎如  
是而剖判了微妙色像揔持崖底諸法法忍  
開導宣布闡發諸器權便所義將養正法是  
爲法之供養設於諸經志在法忍敷陳典籍  
而順反覆演訓其要無諸邪見無所從生不  
起法忍無我無人入諸因緣無瞋不諍無所  
訟訴無我無壽循執句義而無識者慧無放  
逸將御心識任無所任識理拍趣因導非義



淘汰通流諸所猗法不造見人恃怙真諦如  
法所歸無著無入斷諸猗著滅諸無點生老  
病死悉為除屏觀十二緣而不可盡觀諸任  
見不墮顛倒是為族姓子法之供養王子善  
蓋從藥王佛聞法供養應時逮得柔順法忍  
即脫身衣以覆佛上白世尊曰唯加聖恩建  
立我志如來滅後願護正法興法供養降魔  
怨敵將迎後法時佛知心然其末世當護法  
城佛告比丘王子善蓋因佛現在以家之信  
出家為道常精進學興諸德本不久成就立  
五神通揔持辯才無能斷截佛滅度後神通  
揔持力無所畏即皆具足於十中劫藥王如

來所說經法爲轉法輪善蓋比丘護正法故  
於一世中化千億人悉發無上正真道意而  
不退轉十四載人立聲聞緣覺地不可計人  
得生天上比丘欲知時王寶蓋豈將異乎今  
現在佛寶燦如來至真等正覺是也其王子  
此賢劫中千佛興者是拘樓秦如來爲始最  
後成者名曰欣樂太子善蓋今我身是是故  
當知一切所供無過法供養去來今佛皆從是  
出若族姓子族姓女欲得供養十方諸佛即  
當受持正法華經諷誦讀宣示一切分別一  
乘無有二乘道時佛頌曰  
假使有一欲解大法開化一切皆至正覺



當乎受持斯法華經宣示遠近諸未聞者  
譬如泉流皆歸于海合為一味無有若干  
聲聞緣覺及菩薩道一切皆歸無上正真  
譬如日月照於天下百穀藥木及諸荆棘  
斯典如是以無極慧照耀三界皆入一義  
曩昔如來名曰藥王時有聖王名曰寶蓋  
五劫供養彼藥王佛一切施安無所乏少  
告諸千子使供養佛千子受教踊躍等心  
供養如來亦俱五劫飲食床卧幡蓋伎樂  
善蓋太子閑居自惟寧有供養踰於此乎  
空中天言法供養勝即自問言何謂法供  
天便告曰當行問佛太子即問佛為具說

難解之句深妙法藏空無想願乃入正慧  
大慈大悲降伏衆魔六十二見自然為除  
無常苦空非身之事無我無人無壽無命  
順至將持不起法忍轉不退輪法法相照  
十二因緣展轉相生已解本無無有終始  
於是善蓋得柔順忍佛滅度後守護法城  
精進不懈得五神通揔持辯才開化一切  
時千億人皆立大道十四載人聲聞緣覺  
無鞅數人得生天上以故歎講法供為最  
假使有人欲供養者當受持此正法華經  
分別如來善權方便無有二乘皆歸一道  
尔時世尊告八万菩薩因藥王開士緣諸菩



薩等寧察斯四部衆無殃數億天龍鬼神阿  
須倫迦留羅真陀羅捷沓和摩休勒人與非  
人比丘比丘尼清信士清信女聲聞緣覺菩  
薩現在目覩聞如來說斯經典一切衆會聞  
一頌偈一發意頌歡喜勸助佛皆授斯四部  
之決當得無上正真道意佛告藥王假使如  
來滅度之後聞斯經典一頌四句發意之頌  
代勸助者佛皆授決當得無上正真道前以  
奉侍億百千佛從億百千佛發意立願是等  
儔類愍傷衆人故來生耳從是經典受持一  
頌諷誦書寫載於竹帛銘著心懷念而不忘  
若聽誦音恭敬察之方如如來聖尊上句若

以華香繒綵幢幡發立忌供養是經卷者又手  
向之稽首作禮則當謂之世間所歸又告藥  
王若族姓子族姓女假使能持一頌勸助歡  
喜聞經卷名若得聞名則當學是將來世尊展  
轉相謂族姓子族姓女來世便爲如來至真等  
正覺所以者何其受是經持讀書寫觀聽供  
養幡華繒綵雜香芬薰則當謂斯族姓子女  
成無上正直道得滅度已若覩如來則普愍  
傷諸天世人從其所願而得自恣常生人間  
欲演斯經其人本已造微妙行因所作行則  
得生於嚴淨佛土常自觀緣欲講法故當知  
斯黨愍傷群生佛滅度故故來生此則有及



復如來所使其族姓子則謂彼人行如來事  
世尊所遣其有講說如來所宣斯法訓者若  
復不暢其身續蒙假使有人志性凶險常懷  
毒害發意之頃爲人所說不可之事其殃難  
測若一劫中誹謗如來所斯人者罪等無異  
是皆悉爲如世尊種若族姓子講斯典時有  
小童子受是經卷白衣沙門若以言語惡事  
向之所不可意加於其人使聞惡言至誠虛  
忘宣揚惡聲則在凶罪猶如宮意向於如來  
族姓子女受斯經典持諷誦讀而不遊行不  
爲人說當獲豐咎若受持經當以衣被甘饍  
飯食華香燈火琦珍殊妙供養奉敬斯族

姓子斯族姓女則爲大寶當爲作禮所以者  
何乃能一反聞斯經典若有聽者以所供養  
志願無上正直真道故時佛頌曰

若欲任佛道

志慕已功德

當供養彼人

持斯經典者

若樂諸通慧

恣意有所說

則當受斯典

并供養持者

說此經法者

愍傷於衆生

卅吼之所遣

來化群生類

假使持是典

所生常清淨

強勇而自來

矜哀於衆庶

自在所欲生

最後於末世

斯經爲最上

從彼得覩遇

所當供奉養

諸天人華香

衣服諸覆蓋

常供給法師

恭敬彼人

亦當如佛尋叉手禮

自然聖道



若最後時逢值斯典佛滅度已受持經卷  
常當供養如奉最勝飯食之屬諸味具饌  
房室床卧衣被億數一及聞之崇進如是  
如來則授其人之汝佛遣彼士來在人間  
若有最後值遇斯典設使聞者書寫執持  
於今佛在現於目前誹謗如來具足一劫  
心中懷恨面色改常其人即獲無數殃豐  
設有受持是經卷者而分別說為他人解  
若有誹謗此等倫者其罪過彼不可計數  
假使有人面現讚佛而又十指具足一劫  
清淨志求斯尊佛道億百千姪咨嗟諸頌  
稱詠法師發心悅豫其人獲福不可限量

用宣譽是明智者德彼士獲福復超於斯  
而有人來供養學者若於十八億千諸劫  
其人供養珍饌衆味諸天香華細軟精妙  
計劫之數十八千億和聲悅顏崎嶇以獻  
若有一反聞是經者得諸利慶無極難比  
佛告藥王菩薩吾每散告前後所宣經品無  
量甫當說者經卷甚多比擬世間一切諸法  
今此典頌名祚顯綽最尊第一普天率土所  
不信樂如來正覺無所毀敗於內宴居密從  
法師受斯典者則為如來威力所護無能破  
壞乃前卅時曾得聞之如來現在有聞斯典  
多有誹謗何況如來滅度之後難得值遇所



欲志願而見覆蓋觀族姓子女爲如此也他  
方世界現在如來悉覩見之在所存立己身  
逮聞諸信力也善本功力也志願力也在如  
來室等頓一處斯之倫黨德如是也求如來  
水志存佛掌是乃前卅願行所致佛滅度後  
若有信此正法華典者受持書寫供養奉順  
爲他人說德乃若斯佛告藥王菩薩若有能  
說斯經訓者書寫見者則於其人起佛神寺  
以大寶立高廣長大不當復著佛舍利也所  
以者何則爲全著如來舍利其有說此經法  
之處諷誦歌詠書寫書寫已竟竹帛經卷當  
供養事如佛塔寺歸命作禮一切華香雜香

芬熏琴瑟篋幢蓋繒幡若有衆生欲得佛  
寺稽首作禮者當親近斯經無上道教又告  
藥王多有菩薩出家爲道及凡白衣行菩薩  
法不能得致如是像經及見讀說書寫供養  
其有菩薩行菩薩行曉了權宜假使得聞是  
佛景摸菩薩所行所行法者聽者信樂來入  
其中解達分明即受供養於一座上應近無  
上正真之道若有見者如是士夫入於斯義  
德不可計

佛告藥王譬如男子渴極求水捨於平地穿  
鑿高原日日興功但見燥土積有時節其泉  
玄遠而不得水復於異時掘地甚多乃見泥



水濁不可飲當奈之何其人不解稍進得水  
於時男子覩本瑞應釋除狐疑無復猶豫吾  
興功夫積有日月今者乃能值得水耳如是  
藥三設有菩薩聞是經典而不受持諷誦學  
者去於無上正真之道爲甚遠矣是景摸者  
諸菩薩業假使聞此正法華經諷誦精修懷  
抱在心而奉行之介乃疾成最正覺矣佛語  
藥王一切菩薩其有不肯受諷誦行者不能  
得至無上正真道最正覺也所以者何吾前以  
說班宣此言假使有人不樂斯經則爲違遠  
於諸如來此經典者道法之首衆慧之元成  
就菩薩若有菩薩聞此經典恐怖畏懼而不

愛樂則當知之新學乘者若不恐怖則是久  
修菩薩之行若聲聞學遇是經法或恐或怖  
心懷畏懼為憍慢恣佛語藥王如來滅度之  
後若有菩薩大士欲以是經為四部說者如  
來衣坐於世尊師子之座然後尔乃為四部  
衆宣傳此經何謂著於如來被服謂大忍辱  
柔和安雅是則名曰如來被服其族姓子當  
修此衣何謂世尊師子之座解一切法皆悉  
空寂處無想願是為世尊師子之座又族姓  
子當作此任所坐若茲以此經法為比丘比  
丘尼清信士清信女天龍鬼神廣分別說其  
心勇躍不懷怯弱志於大道開導四輩其族



姓子若復處於他方世界化作化人及與眷屬比丘比丘居清信士清信女頒宣此法設使有聞而不樂者吾起令樂必使愛悟若在閑居曠野之中有天龍神捷沓和阿須倫迦留羅真陀羅摩休勒吾遣化人爲說經法雖復向在異方刹土普當自現今衆人見若受此典不識句義失其次緒使諷學者蒙其威神令達義次今時世尊即說偈曰

皆捐棄怯弱

而當聽此經

是法難得遇

信者亦難值

如人欲求水

穿掘於高原

數數積功夫

但覩乾燥土

彼觀自思惟

其水爲甚遠

所掘深乃尔

續見乾燥土

然後轉漸覩

濕土稍稍現

尔乃心決疑

今以得近水

其不聞是經

不數脩行者

其人離道遠

去佛慧若此

斯經深巍巍

決諸聲聞事

逮聞此經王

聽之思惟義

則得近大道

智者成聖慧

猶如見濕土

尔乃知得水

當入於佛室

被服如來衣

則處吾聖坐

明者乃說此

慈心入吾室

忍柔和被服

解空師子座

所說無所畏

設乃瓦石打

為人見罵詈

故為宣此法

吾悉忍斯音

遊在億千土

吾身常堅固

無思議姦劫

為衆生分別

佛滅度之後

為衆去怨結

多遣諸化人

而說此經典



比丘比丘尼

清信士女等

當供養此輩

及諸來會者

石打杖撾罵

懷結而惡口

若有設此凶

化人悉呵教

假使獨自行

而諷誦翫習

不被無惡聲

質直遊閑居

其人在彼行

晝夜一已身

吾遣與共俱

為伴說此經

其人辯才

無有罣礙

多能明了

隨順之法

可悅人民

億百千妓

猶如佛聖

之所建立

假使有人

不依此法

則為名曰

諸菩薩逆

學者遊行

及有所坐

得見諸佛

如江河沙

正法華經七寶塔品第十一

今時佛前七寶之塔從地踊出高二万里適

現遶佛超在虛空自然而立其塔殊好色若  
千變五種之華而雨其上紛紛如雪狂嚴校  
飾塔寺講堂以無數寶同共合成百千蘭楯  
窓牖軒戶不可稱計懸衆幡蓋垂寶瓔珞諸  
明月珠羅列虛空猶如衆星香爐寶瓶滿中  
名香旃檀芬馨一切普熏三千大千佛之國  
土金銀瑠璃水精珊瑚琥珀車渠馬瑙以爲  
寶蓋其蓋高顯至第一天忉利諸天及四天  
王皆散香華供養七寶塔其塔寺中自然發  
聲歎言善哉善哉世尊安住審如所言道德  
玄妙超絕無侶慧平等一猶如虛空實無有  
異時四部衆見七寶塔在於虛空高大嚴妙



巍巍無量光耀煒煒靡所不照頌宣善哉歡  
喜踊躍叉手而立瞻戴無厭時有菩薩名曰  
大辯見諸天人心懷猶豫乍悲乍喜欲得知  
此何所瑞應故前問佛唯然世尊今者何故  
七寶塔寺現大聖前高廣無極莫不見者而  
寶塔寺自然出聲讚曰善哉何所感動而有  
此瑞世尊則告大辯菩薩此寶塔寺有如來  
身完具一定而不缺減東方去此不可計會  
諸佛世界有佛号名多寶如來國曰寶淨本  
行道時而自發願吾會當以此正法華經當  
自脩成使諸菩薩皆得聽受然後乃坐於佛  
樹下逮成無上正真之道其佛所念果如所

言爲諸十方講說經法開化一切皆令得道  
於時其佛臨欲滅度普告諸天世間人民及  
諸比丘吾滅度後奉如來身全取其體一等  
完具興大塔寺若見塔者悉得其所功德難  
限于時其佛建立如是無極聖化十方世界  
其有講說此法華經吾七寶塔踊現諸佛所  
說經處其舍利身在七寶塔讚言善哉佛告  
大辯是七寶塔在于東方而處於下去是無  
量江河沙佛土在於虛空未曾出現今見能  
仁如來正覺本行學道爲菩薩時用衆生故  
不惜身命精進不懈行權方便布施持戒忍  
辱精進一心智慧求頭與頭求眼與眼求鼻



與鼻求耳與耳求手足枝體妻子侍從七寶  
車乘象馬衣裘國邑墟聚恣人所未無所愛  
惜自致得佛今故來現致敬能仁欲令能仁  
佛坐我所有師子金牀講正法華開化一切  
使蒙其恩能仁如來尋如所勸即昇講堂師  
子之坐分別敷演正法華經而說頌曰

設聞多寶佛

知其名号者

未曾畏終始

不復遭苦患

多聞藥王師

假記名号者

衆病自然愈

尋則識宿命

一切所供養

奉法為最上

分別空無慧

自致得佛道

宣揚法華經

以示諸不及

解本無三乘

順一無上真

佛告大辯今者多寶如來至真在斯塔寺遙  
聞說此正法華典是以踊出讚言善哉大辯  
菩薩復白佛言唯然世尊今我等類諸來會者  
欲得覩見多寶佛形願垂恩慈加以威神使  
諸來者各得其所開發大道佛告大辯菩薩  
多寶如來本亦自誓我之塔寺所至方面聽  
此經典設諸如來及四部衆欲覩吾身隨其  
十方之所欲願皆當得見咸共供養於此化  
像大辯欲知我身亦當感是十方諸佛一切  
世界所化如來講說法者皆令詣此

今時大辯菩薩復白佛言唯然世尊垂加大  
恩普現一切十方國土諸佛聖德佛默然可



即時演放眉間白毛微妙光明普照十方各  
五百江河沙等億百千數諸佛國土一切世  
尊各各普現止其佛土坐於樹下奇妙莊嚴  
師子之座與無鞅數百千菩薩在寶交露布  
好坐具珍琦殊異懸繒幡蓋垂於四面諸佛  
坐之爲諸衆生講說經法音聲柔和靡不解  
達百千菩薩啓受所聞東西南北四隅上下  
無數百千億垓難量江河沙等諸佛世界皆  
亦如是靡不見者時十方佛各各自告諸菩  
薩等諸族姓子汝輩當往詣忍世界見能仁  
佛如來至真并當瞻戴多寶世尊形像塔寺  
彼時於此忍界所有功勳善德殊雅威神自

然而現七寶諸樹周帀而生其地悉變為紺  
瑠璃以紫磨金而為長繩連綿在饒八交露  
道其地平正除諸郡國縣邑村落大海江河  
川流泉原皆不復現但見自然諸天香爐燒  
衆名香普雨天華於此佛土應時移徙諸天  
人民在他佛國時諸衆會現在七寶諸交露  
帳七寶諸交露帳在嚴殊妙不可稱量遍此  
佛土時彼十方一切諸佛各有侍者亦復皆  
來詣此忍界各各至於衆寶樹下此諸寶樹  
高二万二千里枝葉華實各各茂盛斯寶樹  
下有師子牀高二万里皆以琦寶衆珍為座  
如來坐上如是比像於此三千大千世界但



見諸佛靡不周遍非是釋迦文如來至直等  
正覺之所變現也各從十方諸佛刹土而來  
到此顯示大道無極之德

尔時世尊釋迦文尼變諸如來所化形像  
在於八方各二方億所有國土皆無地獄餓鬼  
畜生移徙諸天及阿須倫在於他方諸佛世  
界令二方億諸佛國土地紺瑠璃皆以七寶  
變成樹木其諸寶樹高二方二千里枝葉華  
實各各茂盛諸師子座高二方里此諸佛土  
而皆平正無有河海衆流泉原亦無諸山目  
隣大目隣山須彌山王鐵圍大鐵圍山一一  
佛土其地平等七寶合成各各莊嚴諸寶交

露伎樂難量遍布諸華燒衆名香諸寶樹下  
各有如來坐師子牀如是比類復更別有二  
万世界能仁如來各爲諸方而持莊嚴顯現  
清淨皆爲諸佛作其處所此諸佛土亦無地  
獄餓鬼畜生諸天龍鬼神及阿湏倫亦復移  
徙諸天人長在他佛土此諸佛土地紺瑠璃  
以紫磨金而爲寶繩連綿諸樹八重交道又  
彼諸樹高大好妙亦復如前師子之牀莊嚴  
校飭其地平正無有山河江海之事香華衆  
寶珍琦交露垂明月珠亦復如前行來進止  
道徑由路等無差特

尔時釋迦文佛所化如來在於東方恒沙等



刹班宣道教皆復來至十方世界各三千億  
諸佛正覺皆來詣此而悉坐於師子寶牀各  
取寶華授諸侍者諸族姓子女等往詣耆  
闍崛山能仁佛所致吾名字敬問無量聖體  
康強力勢如常所遊安耶以此衆華供散彼  
佛及諸菩薩衆弟子上宣我所言多所開化  
於是釋迦文如來至真見諸所化各各坐於  
師子之座及諸侍者皆來集會賈華供養即  
從座起住於虛空四部之衆悉亦各起叉手  
而立佛以手拍開七寶寺講堂之戶忽然通  
徹晃若日出譬如開於大國城門而以管籥  
去其關軸內外無礙釋迦文佛以手兩拍開

七寶寺講堂之戶現其威德不可稱限亦復  
如茲如來適開七寶寺戶多寶如來至真等  
正覺身即現矣坐師子牀肌色如故亦不枯  
燥威光端政相好如畫口重宣言善哉善哉  
釋迦文佛說此經典何其快乎吾以欲聞此  
經法故故自出現時四部衆見多寶如來至真  
等正覺聞其滅度去世已來不可稱計億百  
千劫聽言善哉甚大驚恠初未曾有即以天  
華供養散於釋迦文佛多寶如來時多寶佛  
則以半座與釋迦文佛七寶寺中有聲出曰  
釋迦文佛願坐此牀釋迦文佛輒如其言時  
二如來共同一處在於虛空七寶交露坐師



子牀時四部衆各各念言諸佛至真道德高  
遠而不可逮巍巍難量不可稱限唯願如來  
垂意見念加威神恩今我等輩俱處虛空佛  
知所念現神足力使四部衆自然超上處於  
虛空時釋迦文佛告四部衆諸比丘等於此  
忍界誰能堪任說此經典今是其時亦是大  
節如來現在若滅度後當受此法持誦讀  
今如來身幸欲滅度比丘當捨如來所供養  
供事之宜奉順恭敬於此經典於是說頌曰  
無極大聖來至於斯導師因現竒妙塔寺  
比丘欲知聽法故舉何人省是不興精進  
滅度以來無鞅數劫今日乃能欲聽經典

以故發來因緣宣教得度無極法之善利  
於往古世自興此誓導師所願正由此道  
滅度以來久遠乃介於今復現十方世界  
自在去是悠悠極迥億百千數如江河沙  
因經典故而發詣此滅度聖將而自現矣  
各各遊在於諸國土一切志樂聲聞之行  
皆欲將護於正法故何緣當今經典久存  
因由依附諸佛之道在無鞅數諸佛世界  
聚合衆生遊至於斯修治嚴淨神足之力  
各各自說如是廣義何因得說於茲法眼  
諸佛任此不可稱計在於樹下而處道場  
其身真諦巍巍億姪諸導師衆坐師子牀



清淨常正明顯如日若如大光除諸陰宜  
柔而美香薰於十方供養達至愍傷世者  
其有度脫一切衆生恩德流布常通於此  
吾滅度之後其持此經典速逮得受決  
目見世導師佛滅度之後其多寶仁賢  
聞見師子座塔寺所在處我身次在是  
億千來至此最勝子所由堪說此經典  
若聞此法能受究竟則為奉事歸命我身  
并及多寶如來之尊順奉現在十方諸佛  
復及今來諸導師衆莊校聖體殊妙難量  
悉為供養具足無限用遵修受此經典故  
以曾見吾聞所講說亦復更覩寺中世尊

并餘無數諸導師衆從百千億國土至此  
思念族姓子 愍傷子衆生 此處難可值  
諸導師所樂 諸無數經卷 猶如江河沙  
佛雖說彼經 不足為奇特 其度須彌山  
則以手舉持 跳著億千國 不足以為難  
設有分別說 章句述百千 聞億千佛國  
不足以為難 若住極上界 為天人講說  
宣暢無量經 不足以為難 佛滅度之後  
末世能堪受 頌宣此經典 尔乃為奇特  
若以一手拳 捉盡於虛空 至於無所至  
不足以為難 我滅度之後 若歸如是像  
來世書是經 尔乃為奇特 設取十方地



舉著於爪上  
此者不為難  
須臾讀此經  
及擔草不燒  
若持此經典  
假使有受持  
以示億千人  
任於神通者  
信喜而愛樂  
若無數億千  
猶如恒邊沙  
其人得功報

擊行恣所遊  
精進無奇特  
假使劫燒時  
不足以為奇  
為一人說者  
八万諸法藏  
比丘於彼世  
不足為奇異  
數數咨講者  
興立無著塔  
佛滅度之後  
過是難限量

昇置於梵天  
不如於來世  
人踐火中行  
我滅度之後  
尔乃為殊特  
班宣如所說  
開化諸聲聞  
設持此經典  
尔乃為殊特  
六通極大聖  
設持此經者  
百千諸世界

說法不可計

今我亦宣暢

佛慧所分別

計是經典者

一切經中尊

其奉持此典

則侍諸佛身

族姓子講說

現在如來前

後世持是經

賢者乃堪任

須臾持此經

則為恭敬佛

一切諸導師

是經難值遇

一切十方佛

為現所咨嗟

勇猛負威神

神通為已達

名德遠流布

諸佛所愛樂

因持此經故

逮得寂定地

導師滅度後

則為天世人

顯示作眼目

宣布此經故

於當來之世

須臾說此典

其一切眾生

稽首禮明者

正法華經梵志品第十二



時能仁佛告諸衆會吾往無數難稱限劫求  
法華經未曾懈倦時作國王遵修大法六度  
無極布施金銀水精瑠璃虎珀珊瑚珠玉車  
渠馬瑙頭目肌肉手足支體妻子男女象馬  
車乘不憚軀命時人壽長不可計會吾用法  
故棄捨國位委政太子行求大典擊手鼓振鐸  
宣令華囊有能爲吾演大經者吾當爲僕供  
給走使時有梵志而報之曰我有大典正法  
華經若能爲僕吾當惠與佛告比丘吾聞其  
言歡喜從命奉侍梵志給所當得水漿飲食  
掃灑應對趨走採菓儲畜資糧未曾懈廢奉  
侍千歲使無僥渴佛時頌曰

擊鼓振鐸宣令遠近欲求大典正法華經  
若見賜者吾當為僕趨走役使給所當得  
甘心樂聞不敢疲倦所當供養不惜身力  
趣欲聞受正法華經願及十方不適為己  
其王精進未曾休息衣食供命不求甘綺  
愍念衆生諸未度者尋時即獲正法華經  
佛告諸比丘時國王者則吾身是也梵志者  
調達是也今吾具足六度無極大慈大悲成  
四等心三十二相八十種好紫磨金色十種  
力四無所畏四事不護十八不共威神尊重  
度脫十方皆由調達恩德之力調達却後無  
鞅數劫當得作佛号曰天王如來至真等正



覺明行成爲善逝世間解無上士道法御天  
人師爲佛衆祐世界名天衢時天王佛廣說  
經法如江河沙衆生得無著證無數不可計  
人志在緣覺如江河沙無量蒸民皆發無上  
正真道意至不退轉其佛當壽二十中劫滅  
度之後正法當住二十中劫不散身骨合全  
舍利起七寶塔高六十里周八十里普天下  
人悉任供養華香伎樂歌頌功德遶塔作禮  
不可計人得無著證無執數人志緣覺乘不  
可思議無量天人發無上正真道意志不退  
轉若族姓子族姓女逮得聞是正法華經心  
中霍然而無狐疑杜塞三趣不墮地獄餓鬼

畜生便當得生十方佛前咨受正化若在天  
上世間豪貴若在佛前自然化生七寶蓮華  
於時下方多寶世尊所從菩薩号曰智積自  
啓其佛當還本土時能仁佛告智積曰吾有  
菩薩名溥首童真且待斯須可與相見宜叙  
闊別咨講經典乃還本土於是溥首坐七寶  
蓮華華有千葉大如車輪與諸菩薩俱坐寶  
華從龍王宮踊出大海溥首童真皆退下華  
禮二佛已與智積菩薩對相問訊智積菩薩  
問溥首曰所詣海淵化度幾何荅曰其數無  
量不可稱限非口所宣非心所計如今不久  
自當有應所說未竟尋有蓮華從海踊出在



虛空中無數菩薩皆坐其上此皆溥首在海  
之所化悉發大意其志無上正直道者普在  
空中講大乘事本發聲聞意者在於虛空說  
弟子行解知大乘溥首前謂智積曰在海所  
化其現如茲智積菩薩以頌問曰

至仁慧無量

化海衆寶數

唯爲露聖旨

分別說其意

溥首答曰在於海中唯但敷演正法華經智  
積又問其法甚深尊妙難及能有尋時成佛  
者乎溥首答曰龍王有女厥年八歲聰明智  
慧與衆超異發大道意志願弘廣性行和雅  
而不倉卒便可成佛智積又問我覩能仁是

仁大師本求佛道爲菩薩時積功累德精進不懈歷劫難計乃得佛道不信此女便成正覺言語未竟女忽然現稽首作禮繞佛三匝却任讚曰

功祚殊妙達

現相三十二

諸天所敬待

神龍皆戴仰

一切衆生類

莫不宗奉者

今我欲成佛

說法救群生

時舍利弗即謂女言仁雖發意有無極慧佛不可得又如女身累劫精進功積顯著尚不得佛所以者何以女人身未階五位一曰天帝二曰梵天三曰天魔四曰轉輪聖王五曰大士其女即以一如意珠賈當是世時乎供上



佛佛輒受之女謂舍利弗及智積曰吾以此  
珠供上世尊佛受疾不荅曰俱疾女曰今我  
取無上正真道成最正覺速疾於斯變成男  
子菩薩尋即成佛相三十二衆好具足國土  
名号衆會皆見恠未曾有無鞅數人天龍鬼  
神皆發無上正真道意三千世界六反震動  
三万道迹得不退轉皆當逮成無上正真道  
舍利弗智積菩薩默然無言

正法華經卷第六

在

曩

反奴朗

銘

音冥

豐

許近

崎

上

嶺

去奇

反

下

立

綽

若

也

反寬

鑿

音昨

掘

上

地

其勿

反

以

燁

上

于

是

余

輒反也。火。劫。燒。反。吊。光。也。

移徙。下。反。紫。反。斯。踐。音。賤。踏。也。

管籥。下。音。藥。如。笛。世。反。池。也。

華裳。下。羊。三。反。華。仲。諸。國。裳。邊。方。也。

跳。正。作。徒。信。

畜。除。上。音。杜。塞。戶。上。徒。反。





